

醫

學

綱

目

醫學綱目卷之三十六 小兒部

小兒通治

錢氏診
五臟虛

五臟所主

實

心主驚

實則叫哭發熱飲水而搖

虛則困臥悸動不

安

肝主風

實則目直視大叫呵欠煩悶

虛則咬牙

多欠氣熱則外生風氣溫則内生風

脾主困

實則困睡身熱飲水

虛則吐瀉生風

肺主喘

實則悶亂喘促有飲水者有不飲水者

虛則

哽氣長出氣短

腎主虛

無實也惟瘡疹腎實則黑陷

更當別虛實證如肺病又見肝證咬牙多呵欠者易治肝
虛不能勝肺故也若目直視大叫哭項急煩悶者難治蓋

肺病久則虛冷肝強實而反勝肺也宜視病之新久虛實
虛則補母實則瀉子

五藏病證

肝病哭叫目直視呵欠煩悶項急 心病多叫哭驚悸手
足動搖發熱飲水 脾病困睡洩瀉不思飲食 肺病悶

亂哽氣長出氣短氣喘急○腎病目無精光畏明體骨重

五藏雜證

肺藏怯○唇白色當補肺阿膠散主之若悶亂氣喘促
哽氣者難治肺虛損故也○脾肺病久則虛而唇白脾者

肺之母也母子皆虛不能相營故名曰怯肺主唇唇白而

光澤者吉白如枯骨者死此以唇診肺之法也唇白色者肺藏怯也阿膠散主之若手尋

衣領及亂急物者肝熱也宜瀉青丸手搦

心實○心氣實則氣上下行濟若合而臥則氣不得通故

喜仰臥使氣得上下通也瀉心湯主之心氣熱則合面臥實則仰臥也

腎虛○見本虛怯由胎氣不成則神氣不足目中白睛多

顧解顙開面色既白者皆為難養雖長不過八八之數若
恣色慾不及四旬而亡或有因病而致腎虛者非也又腎
不足則下竄蓋骨重惟欲墜下而身縮也腎者陰也腎氣
虛則畏明皆宜補腎地黃丸主之心氣熱則上竄宜導赤
散腎氣虛則下竄宜地

黃丸
是也

五藏相
勝見
時令

肝病勝肺○肝病秋見一作肺肝勝肺也肺怯不能勝肝當
補脾治肝益脾者母令子實故也補脾益黃散治肝瀉青
丸主之

肺病勝肝○肺病春見一作肝肺勝肝也肝怯故受病當補
肝腎治肺補肝腎地黃丸治肺瀉白散主之

五臟相勝輕重○肝病見秋木旺肝勝肺也宜補肺瀉肝
輕者肝病退重者腎白而死

肺病見春金旺肺勝肝也當瀉肺輕者肺病退重者目淡

青必發驚更有赤者當搖

海藏云為肝怯故曰赤青也

心病見冬火旺心勝腎也當補腎治心輕者心病退重者下竄不語腎怯虛也

腎病見夏水勝火腎勝心也當瀉腎輕者腎病退重者悸動當搖

脾病見四旁皆放此治之順者易治逆者難治脾怯當面赤目黃五臟相反隨證治之

右五臟相勝病隨時令乃錢氏擴充內經藏氣法時論之旨實發前人所未發者也假如肝病見於春及早晨乃肝自病於本位也今反見於秋及日晡肺之位知肺虛極肝往勝之故當補脾肺瀉肝也餘倣此

凡病先虛或已經下有合下者必先實其母後瀉其子也假令肺虛而痰實此可下之症先當益脾後方瀉肺也

瀉青丸

又名瀉肝丸

導赤散

清心瀉火

瀉心湯

清心瀉火

安神丸

錢氏治心虛

益黃散

又名補脾散

吐腹瀉

利清胃中寒濕

瀉黃散

又名瀉脾散

阿膠散

又名補肺散

瀉白散

又名瀉肺散

散瀉

治肺熱骨蒸自汗用此直瀉之

地黃丸

治肺虛解肺即癰病

熱則從心

寒則從腎嗽而氣上從肺風從肝瀉從脾假

今瀉兼嗽

又氣上乃脾肺病也宜瀉白益黃散合而服之

脾苦濕肺苦燥氣上逆也其症見瀉又兼面色黃腸鳴

嘔者宜服理中湯瀉而嘔者宜服茯苓半夏湯如瀉而渴

熱多者宜服黃芩厚朴湯不渴而熱少者宜服白朮厚朴

湯其他五臟若有兼症皆如此類推之更詳後論四時推

移用藥

素方論
陰陽病
經義

心自病

心主熱自病或大熱瀉心湯主之 實則煩熱黃連瀉心湯主之 虛則驚悸生犀散主之

五邪乘心法

肺乘心微邪喘而壯熱瀉白散主之 肝乘心虛邪風熱煎大羌活湯下大青丸主之 脾乘心實邪泄瀉身熱瀉黃散主之 腎乘心賊邪恐怖惡寒安神丸主之

肺自病

肺主燥自病則喘嗽燥則潤之 實則喘而氣盛瀉白散主之 虛則喘而少氣先益黃散後阿膠散主之

五邪乘肺法

心乘肺賊邪熱而喘嗽先地黃丸中導赤散後阿膠散主之 肝乘肺微邪惡風眩冒昏憤嗽羌活膏主之 腎乘肺實邪憎寒嗽清利百部丸主之 脾乘肺虛邪體重吐痰洩瀉嗽人參白朮散主之

肝自病

肝主風自病則風搖拘急肝苦急急食甘以緩之佐以酸苦以辛散之 實則風搖力大瀉青丸主之 虛則風搖

方小地黃丸主之

五邪乘肝法

心乘肝實邪壯熱而搐利驚丸涼驚丸主之 肺乘肝賊

邪氣盛則前伸呵欠微搐法當瀉肺先補本臟補肝地黃丸主之 瀉肺瀉白散主之 脾乘肝微邪多睡體重而搐

先當定搐瀉青丸主之 搐止再見後症則別立法治之 腎乘肝虛邪增寒呵欠而搐羌活膏主之

脾白病

脾主濕自病則洩瀉多睡體重昏倦脾苦濕急食苦以燥之 實則泄瀉赤黃睡不露睛瀉黃散主之 虛則泄瀉

色白睡露睛白朮散主之

五邪乘脾法

肝乘脾賊邪風瀉而嘔茯苓半夏湯主之 心乘脾虛邪

壯熱體重而瀉羌活膏蒼朮甘草湯主之 肺乘脾實

邪能食不大便而嘔吐嗽煎檳榔大黃湯下葶藶丸 腎

乘脾微邪惡寒泄瀉理中丸之類主之

腎病

腎主寒自病則足脛寒而逆人之五臟惟腎無實小兒瘡

疹變黑胎則是腎實水尅退心火

五和乘
腎法

心乘腎微邪內熱不惡寒桂枝湯主之 肺乘腎虛邪喘

嗽皮澁寒百部丸主之 肝乘腎實邪拘急氣搐身寒理

中丸主之 脾乘腎賊邪體重泄瀉身寒理中丸主之

五臟
四時
濕

凡五臟虛弱是自己正令不行乃鬼賊之所尅害當補本

臟之正氣假令肺病喘嗽時於初春見之法當補腎見於

夏救肺見於秋瀉肺見於冬補心瀉本臟又名寒嗽大抵

五臟各至本位即氣盛不可更補到所克位不可更瀉

云五藏子母虛實果賊微正若不達肯意不易得而入焉
在病者為實邪在後者為虛邪妻來乘夫為微邪夫來乘
妻為賊邪本藏
自病為正邪

參同

肝病面白

肺病面赤

脾病面青

腎病面黃

心病面黑

若肝病驚搐而又加面白痰涎喘急之類此

皆難治餘倣此推之假令春分前風寒也宜用地黃羌活防風或地黃九及瀉青丸相間服之春分後風熱也宜用羌活防風黃芩或瀉青丸導赤散下之立夏後熱也宜用三黃丸導赤散夏至後濕熱也宜用導赤散瀉黃散合而服之或黃芩人參木香之類秋分後用瀉白散立冬後用地黃丸主之謂腎不受瀉也

潔古海藏補錢氏法

補肝丸四物湯內加防風羌活等分爲細末煉蜜丸是也

鎮肝丸瀉青丸去梔子大黃治肝虛 瀉腎丸治脈洪而實前熟地改生地去山茱萸是也此治左手本部脈若右尺洪實以鳳髓丹瀉之此地黃丸卽仲景八味丸去桂附若加五味子腎氣丸也此益肺之源以生腎水焉

禁忌

戒幼論○人生十六歲已前血氣俱盛如日方昇如月

將圓惟陰長不足腸胃尚脆而窄養之道不可不謹童子不衣裘帛前哲格言具在人耳裳下體之服帛溫煖甚於布者也裘皮服溫軟甚於帛者也蓋下體主陰得寒涼則陰易長得溫煖則陰暗消是以下體不與綿絹夾厚溫煖之服恐妨陰氣實爲確論血氣俱盛食物異消故食無時然腸胃尚脆而窄若稠粘乾硬酸醃甜辣一切魚肉水菜濕麪燒炙煨炒俱是發熱難化之物皆宜禁絕只與熟菜白粥非惟無病且不縱口可以養德此外生栗味酸乾柿性涼可爲長陰之助然栗太補柿太澁俱爲難化亦宜少與婦人無知惟務姑息畏其啼哭無所不與積成痼疾雖悔何及所以富貴驕養有子多病迨至成人筋骨柔弱有食則不能忌口以自養居喪則不能食素以盡禮小節不謹大義亦虧可不慎歟至於乳母尤宜謹節飲食下咽

乳汁便通情欲中動乳脈便應病氣到乳汁必凝滯兒得此乳疾病立至不吐則瀉不瘡則熱或爲口糜或爲驚搐或爲夜啼或爲腹痛病之初來其溺必少便須詢問隨證治母母安亦安可消患於未形也夫飲食之擇猶是小可乳母稟受之厚薄性情之緩急骨相之堅脆德行之善惡兒能速肖尤爲關係古之胎教具在方冊愚竊多贅若夫胎孕致疾事起茫昧人多玩忽醫所不知兒之在胎與母同體得熱俱熱得寒俱寒病則俱病安則俱安母之飲食起居尤當慎密不可不知也

回大凡小兒過煖生熱熱極生風提抱生瘧餵飼生癖最宜慎之

鑒大喜後食乳食多成驚癇大哭後食乳食多成吐瀉

回乳下小兒常多濕熱食積痰熱乃是傷乳爲病小兒易

雜診

怒肝病與脾病最多

脈亂

不治

弦急和

不沉緩

傷食

促急

虛驚

浮風

沉細

冷

候兒脈當以大指按三部一息六七至為平和八九至

為發熱五至為內寒脈弦為風癰沉緩為傷食促急為虛

驚弦急為氣不和沉細為冷浮為風大小不勻為惡候為

鬼祟浮大數為風為熱伏結為物聚單細為疳勞凡腹痛

多喘嘔而脈洪者為有虫沉而遲潮熱者胃寒也溫之則

愈訣曰小兒脈緊風癰候沉緩食傷多嘔吐弦急因知氣

不和急促驚神不守冷則沉細風則浮牢實大便應秘

久腹痛之候緊而弦脈亂不治安可救變蒸之時脈必亂

不治自然無過繆單細疳勞洪有虫大小不勻為惡候脈

沉而遲有潮熱此必冒寒來內寇瀉利脈大不可醫仔細

酌量宜審究

雲岐下云未及五歲不可視脈者未可別脈
五歲已上方可以脈別浮沉遲數按錢氏論

又不拘五
歲上下也

嬰兒未可方脈者俗醫多看虎口中紋顏色與四肢冷熱
取之亦有可驗予作二歌紀之曰紫風紅傷寒青驚白色
疳黑時因中惡黃即困脾端又冷熱症歌曰鼻冷定知是
瘡疹耳冷因知風熱證通身皆熱是傷寒上熱下冷傷食
病若能以色脈參伍驗之所得亦過半矣

不治症

世百日內不治症 發斑 臍風撮口 馬脾風 龜背

錢不治症目赤脈貫瞳人 胸腫及陷 鼻乾黑 魚口

氣急 吐虫不定 瀉不定精神不好 大渴不定止之

又渴 吹鼻不噴 病重口乾不睡 時氣唇上青黑點

頰深赤如塗臙脂 鼻孔開張 喘急不定

靈嬰兒病其頭毛皆逆上者必死

論疾診尺篇

脈小兒病困汗出如珠者身不流者死 小兒病而胸膈

口唇枯乾目直視口中氣冷足與頭相低臥不舉身手足四肢垂其臥正直如縛掌中冷皆死至十日不可復治之

病重面有五色不常不澤者死

生下胎疾

雜方

無小兒初生氣絕不能啼者必是難產或胃寒所致急以綿絮包裹抱懷中未可斷臍帶且將胞衣置爐炭中燒之仍撚大紙條蘸油點火於臍帶下薰之蓋臍帶連兒火熏時有火氣由臍入腹更以熱醋湯盪洗臍帶須臾氣回啼哭如常方可洗浴了即斷臍帶

海百壽散小兒初生未滿月已裹用之者老無瘡疥

黃連

兩

硃砂

錢一

右水煎令老母拭去口涎淨灌下餘藥傾盆中浴兒遍身搽妙 又方淨黃連一錢水一盞預先煎下待兒生

虛實

未出聲時便用灌下以去腹中惡物臍屎兼解胎中蘊積熱毒終身不生瘡又去胎風等病

胎實面紅目黑睛多者善笑胎怯面黃目黑睛少白睛

多者多哭更別父母肥瘦肥不可生瘦瘦不可生肥也

胎肥者生下肌肉厚遍身血色紅滿月以後漸漸羸瘦目

白睛粉紅色五心煩熱大便難時時生涎浴體法主之

天麻錢二

蝎尾去毒

硃砂各五分

烏蛇肉酒浸焙乾

木為

白礬各三錢

麝香一字

青黛三錢

右研勻每用三錢水三碗桃枝一握并葉五七枝同煎至十沸溫熱浴之勿浴背

胎怯者生下面無精光肌肉薄大便白水身無血色時時哽氣多噦目無精采亦宜以浴法主之

母氣不足則羸瘦而肉薄父精不足則解顙眼白多

寒熱

胎熱生下血氣時時叫哭身壯熱如淡茶色目赤大便赤黃糞稠急釀乳浴法主之

陽小兒在胎時因母有熱或恣食酒麪熱毒之物傳於胎中令兒生下面赤眼閉身體壯熱哭聲不止口熱如湯乃胎熱之候也宜生地黃湯

生地

赤芍藥

川芎

當歸

瓜蒌根

右件等分咬咀每服半兩水一盞煎六分產婦亦可服以此些抹入兒口中

凡胎熱服藥不可求速效治法當釀乳漸解之若處以涼藥攻之必損脾胃加以嘔吐乃成大患宜服生地黃湯用釀乳小兒胎中有寒生下不能將護並傷於風其候面色青白四肢逆冷手足顫動口噤不開乃胎寒之故或寒

胎驚

氣乘虛入臟作腹疼盤腸內平

胎寒治法見寒腹痛條

回月裏生驚急取猪乳細研辰砂牛黃各少許調抹口中

神效乳母服防風通聖散三劑其驚自消

治小兒未滿月驚搐似中風欲死者用辰砂以新汲水濃磨汁塗五心上最效

治胎癇驚風皆可服全蝎頭尾全者用生薄荷葉包外以麻線纏火上炙燥為末別研生硃麝香各少許煎麥門冬湯調下

胎黃

小兒生下遍體面目皆黃狀如金色身上壯熱大便不通小便如栢汁乳食不思啼叫不止此胎黃之候凡有此症乳母宜服生地黃湯仍忌酒麪五辛之物

生下吐

木瓜丸治小兒生下吐者因兒初生下拭口中穢惡不盡咽入喉中故吐木瓜丸主之凡初生急須拭掠口中令

淨若啼聲一發則咽下多生諸病矣

木瓜

麝香

臙粉

木香

檳榔

各等分

右同研細末麪糊丸如小黃米大每服一二丸甘草水下無時

田月裏生嘔先用硃砂丸下之如利後用硃沉煎墜其邪氣使穢物自下而不嘔也

月裏生赤肌膚如赤丹塗者先用牛黃散托裏續用藍葉散塗外乳母服清涼飲子三大劑

右小兒初生下月裏諸疾蓋胎毒之淺者若一二歲後所生之疾乃胎毒之深者宜權法治之

胎瘤

田李叔和一日問東垣曰中年來得一子至一歲後身生紅絲瘤不救後三四子至一二歲皆病瘤而死敢問何也

生下赤

胎毒

曰予試思之翌日見叔和曰吾得之矣汝腎中伏火精
多有紅絲以氣相傳生子故有此疾遇觸而動發於肌肉
之間俗名胎瘤是也汝試視之果如其言遂與滋腎丸數
服以瀉腎中火邪補天其之不足忌酒肉辛熱之物其事
以六味地黃丸養其陰血受胎五月後以白朮黃芩二味
作散與服後生兒至三歲前症不復作矣叔和曰先生乃
神醫也遂從受學其子今已年壯矣

丹溪補遺謂小兒心氣鬱而多瘡疽由胎食過而受毒此
至論也小兒識見未萌欲想未動心氣何鬱先哲謂乳下
小兒常多濕熱與胎食過而受毒又有成胎之時父母氣
血有寒熱之偏多能致子之病况形體未堅完盲膜尚脆
嫩何爲畧而未論向見一人連年疔病新愈而成一男生
來三月病熱右腋下陽明少陽之間生一瘡甫平左腋下

相對又生一瘕膿血淋漓無復生意醫者王壽甫以四物湯敗毒散加參以香附為佐犀角為使大料飲乳母兩月而安踰三月忽腹脹生赤疹如霞片取剪刀草汁調晚吞沙傳之隨消半月脹移入胞囊為腫黃瑩可畏越兩日囊裂開兩九顯露出清水以紫蘇葉承麩炭細末托之旬餘而合夫以父之久病其母寧無憂鬱之火與疔之餘熱毒致此亦不可不知

瘕瘕

張進士次子二歲滿頭有瘡一日瘡忽自平遂患痰喘予視之曰此胎毒也慎勿與解利藥眾皆愕然予又曰乃母孕時所喜何物張曰辛辣熱物是其所喜因口授一方人參連翹川芎黃連甘草陳皮芍藥木通濃煎湯入竹瀝與之數日而安何以知之見其精神昏倦受病特深決無外感非胎毒而何 予之次女形瘦性急體本有熱懷孕

胎毒

三月適當夏暑口渴思水時發小熱遂教以四物加薑茶陳皮生甘草木通因懶於煎煮數貼而止其後生子二歲瘡疾遍身忽一日其瘡頓愈遂成痲瘋予曰此胎毒也瘡若再作病必自安已而果然若於孕時確守前方何病之有

四鄭廉使之子年十六初生七箇月患淋病五七日必一發其發則大痛水道狀如黍如粟者約一杯許然後定診其脈輕則澁重則弦視其形瘦而長其色青而蒼意其父必因多服下部藥遺毒在胎留於子之命門而然遂以紫雪和黃柏末九桐子大晒極乾熱湯下百丸以食物壓之又半日痛大作腰連腹水道乃行下如黍如粟者一大碗許其病減十分之八後又與陳皮一兩桔梗木通各半兩作一貼與之又下如黍粟者一合許而安父得燥熱且能

病子况母得之者乎予書此以證東垣紅瘤之事此亦熱在血分也

胎毒

陳氏女八歲時癰病遇陰雨則作遇驚亦作口出涎沫聲似羊鳴予視之曰此胎受驚也其病深痼調治半年亦可安仍須淡味以佐藥功與燒丹九繼以四物湯入黃連隨時令加減半年而安燒丹九方原本未考按類萃用玄精石輕粉各一錢粉霜礪砂各五分所勾入寒食麪一錢滴水和成餅所用麪裏煨黃取出去麪再研細滴水和丸如米大一歲五九二歲十九溫水送下取下惡物為度未知是否

肝主風

角弓反張

搖頭

偏風

驚搐

驚癇

天弔

眼目

眼白多

雀目斑瘡

赤眼

通睛

偏墜

陰腫囊腫脫囊

疝氣

小便不通

淋病

遺尿

喉痺

風

虛

針灸

肝有風目連翳不搐有熱則直視亦不搐得心熱則搐
治肝瀉青丸治心導赤散 凡病或新或久皆引肝風風
動而上於頭目目屬肝風入於目上下左右如風吹不定
兒不任故目連翳也若熱入於目牽其筋脈兩眦皆緊不
能轉視故目直視也若得心熱則搐其子母俱有實熱風
火相搏故也治肝瀉青丸治心導赤散

角弓反張

肝有風甚則身反張強直不搐心不受熱當補腎治肝
補腎地黃丸治肝瀉青丸

丹溪云瘈比癰爲虛宜帶補多是氣虛有火兼痰用人參
竹瀝治之不用兼風藥此論實發前人所未發湯氏雖云
瘈候十無一生蓋未嘗有此法施於人也

角弓反張鼻上入髮際三分灸三壯 大椎下節間灸

診

三壯

身軟時醒者為癰身強直反張如弓不時醒者為瘞瘞候十無一生

搖頭

風

湯肝風搖頭諸方不載鄭都丞子忠七年搖頭三年下血已服有餘方前後所服治搖頭者無非風藥止血者或作痢或作腸風百藥無效予既視其病又知其詳亦不明其標本退而思之乃肝血液盛外有風熱棄之肝屬木盛而脾土為木所克脾與肺是子母俱為肝所勝而血遂清於大便故便血不止遂處一方但損肝祛風而益脾初亦一時之見只數服而愈十餘日後血止而下白膿遂得以安

犀角屑

甘草

瓜蒌根

蛇退皮

防風

釣藤

麻黃

黃芪

羌活

白芍藥各半

右為末，東雨丸食後薄荷湯下，只二服作效。頭搖即止，便血隨愈。次間服胃風湯，數日頓除。沈舍人子服之亦驗。

食療云：蛇脫皮主去風邪，明目治小兒一百二十種驚。

癩寒熱痔瘡毒安胎藥用。治癩弄舌搖頭者，宜用全脫。

偏風

全蝎散治小兒驚風中風口眼喎斜言語不正手足偏廢不舉。

全蝎去毒炒

僵蚕直者炒

川芎

黃芩去心

甘草

桂枝

赤芍藥

麻黃去節各

大麻六錢

大南星湯泡七次去皮切焙乾五錢

右為麤末，每服三錢水一鍾半薑七片煎七分溫服，無

時量大小與之一日三四服忌羊肉

驚搐

按驚搐一也而有晨夕之分表裏之異身熱力大者為急驚身冷力小者為慢驚仆地作聲醒時吐沫者為癇頭目仰視者為天弔角弓反張者為瘈而治各不同也

藏府旺時補瀉法

潮熱變發搐在早晨寅卯時者此肝用事之時也身體

壯熱目上視手足動搖口内生熱涎項頸強急此肝旺也

當補腎治肝補腎地黃丸治肝瀉青丸潔古云木之位肝旺也

因潮熱發搐在巳午未時者此心用事之時也心惕目上

視白睛赤色牙關緊急口內涎生手足動搖此心旺也當

補肝治心治心導赤散涼驚丸補肝地黃丸潔古云火之位心熱也

廣親宅七太尉方七歲潮熱數日欲愈錢謂父二大王

曰七使潮熱將安八使預防驚搐王怒曰但使七使愈勿

言入使病錢曰八使邇來日午間即無苦也次日午前果作搐急召錢治之三日而愈蓋預見其目直視而頤赤必肝心俱熱更坐石枕子乃欲就冷此熱甚也又肌膚素肥盛而本質其脈急促故發搐尅言午時者自寅至午皆心肝用事之時治之乃瀉心肝補腎自安矣

因潮熱發搐在申酉戌時者此肺用事之時也不甚搐而喘目微斜視身熱如火睡露睛手足冷大便淡黃水是肝旺當補脾益黃散治肝瀉青丸治心導赤散藥古云脾病肝瀉法當補

脾然木賊害宜先瀉心肝以壯其強而後補脾為當

徐氏子三歲病潮熱每日酉則發搐身微熱而目微斜露睛四肢冷而喘大便微黃請錢與李同治錢問李曰病何搐也李曰有風何身熱微溫曰四肢所作何目斜睛露曰搐則目斜何肢冷曰冷厥心內熱曰何喘曰搐之甚也曰

何以治之曰涼驚丸鼻中灌之必搐止錢又問曰既謂風病溫壯搐引目斜露睛內熱支冷及搐甚而喘併以何藥治之李曰皆此藥也錢曰不然搐者心肝實也身微熱者日西肺用事之時也肺主身溫今且熱者肺虛也目微斜露睛者肝肺相乘勝也四肢冷者脾虛也肺若虛甚則脾母亦弱木氣乘脾四肢即冷治之當先補脾肺用益黃散阿膠散得脾虛症退然後治其心肝以瀉青丸導赤散涼驚丸治之九日愈

因潮熱發搐在亥子丑時者此腎用事之時也不甚搐而臥不穩身體溫壯目睛斜視喉中有痰大便銀褐色乳食不消多睡不省煩補脾治心補脾益黃散治心導赤散

涼驚丸

潔古云皆因大病後脾胃虛損多有此疾

表裏傷風發搐因傷風後得之口中氣出熱呵欠頻悶手足動

搖當發散大青膏主之小兒生來怯弱者多此病也

大青膏力

見傷寒

傷風發搐因傷風而得之症同大人傷風寒痰之類當

辨有汗無汗陰陽二症用大青膏小續命之類開發則愈

大青膏陰症小續命陽症也

傷寒發搐因傷食後得之身體溫多睡多睡或吐不思

乳食而發搐當先定搐搐退白餅子下之後服安神丸

傷食發搐謂不因他症忽然而搐此因飲食過度致傷

脾胃故兒多睡多吐不思飲食脾胃既虛引動肝風則發

搐當先定其搐加羌活防風煎下瀉青丸後用白餅子下

其食漸漸用調中九異功散養其氣

百日搐

百日內發搐真者不過兩三次必死假者頻發不為重

真者內生驚癇假者外傷風冷蓋血氣未實不能勝任乃

發搐也欲知假者口中氣出熱治之可發散大青膏主之
 及用塗顙浴體法 李司戶孫百日病來搐三五次請衆
 醫治或作大疳或作胎驚或作驚癇皆無應者後錢氏用
 大青膏如荳許一服發之復與塗顙法及浴體法三日而
 愈何以然嬰兒初生肌骨嫩怯一被風傷遂不能任故發
 搐也然頻發者輕以客風在內每遇不任即搐輕則易歇
 故發頻也搐稀者是內臟發病不可救也頻搐者宜散風
 冷故用大青膏亦不可多服蓋兒至小易虛易實多即生
 熱止宜用下塗顙法

麝香

字一

蝎尾

去毒為薄荷半末半錢

蜈蚣

各一

牛黃

青黛

各一

右同研末用熟蜜肉劑為膏新綿帛上塗勻貼顙上四
 旁可出一指許火上炙手頻慰百日裏外兒可用此塗

顛法

外物驚
宜苦寒

外物驚宜鎮平之以黃連安神丸若氣動所驚宜寒水

內動驚
宜甘寒

石丸黃連安神丸

黃連安神丸見燥條
寒水石丸見治法

按外物驚者元氣本不病故治以黃連安神之苦寒氣動驚者不因外物驚元氣自有病故治以寒水石安神之甘寒也

鎮心丸涼心經治驚熱痰盛

甜硝白者一兩

人參一兩

甘草炙

寒水石

燒各兩半

山藥白者二兩

白茯苓二兩

硃砂一兩

龍腦

麝香

各一錢三味另研

急驚風
陰陽驚
風

凡急慢驚陰陽異證切宜辨而治之急驚合涼瀉慢驚合溫補

右急驚症屬木火土實也木實則搐而力大目上目劄

所謂木太過曰發生其動掉眩顛癇是也火實則身熱面赤土實則不吐瀉睡合睛故其治法合涼瀉而用涼驚丸利驚丸之類慢驚症屬木火土虛也木虛則搐而力小似搐而不甚搐經所謂木不及曰委和其病搖動注恐是也謂手足搖動腹注泄心恐悸也火虛則身冷口氣冷土虛則吐瀉睡露睛故其治法合溫補而用羌活膏益黃散有熱者用東垣黃芪益黃散其東垣非錢氏羌活膏治慢驚者謂土虛泄瀉火木乘之謂手掌與腹俱熱之症若火木土俱虛而搖動恐悸注瀉手腹冷者非羌活膏不能治之

因

急驚主痰熱當涼瀉之只用降火下痰養血之藥慢

驚主脾虛所以多死先實脾土後散風邪只用硃砂安神

九更於血藥中求之

如四物四君子東垣
前代益黃散藥用

急驚風
慢驚風
驚風
虛

急驚
六分熱
不止滿

急驚因聞大聲或大驚而發搐過則如故此無陰也當
下利驚丸主之 小兒急驚者本因熱生於心身熱面赤
引飲口中氣熱大小便黃赤劇則發搐蓋熱甚則風生風
屬肝此陽盛陰虛也故利驚丸主之以除其痰熱不可用
巴豆及溫藥大下之恐搐虛熱不消也小兒熱痰客於心
胃因聞大聲非常則動而驚搐矣若熱極雖不聞聲及驚
亦自發搐

急驚者陽症也俱腑受病熱痰客於心肺是少陽相火
旺經云熱則生風因聞大聲而作蓋謂東方震卦得火氣
而發搐火本不動煽得風而動當用利驚丸導赤散瀉青
丸地黃丸搐止宜服安神丸

急驚內有熱即生風又或因驚而發則目上連劄潮涎
搐搦身體與口中氣皆熱及其發定或睡起即了了如故

此急驚症也當其搐勢漸減時與鎮心治熱之藥一二服如麝香丸鎮心丸抱龍丸辰砂丸紫雪之類候驚勢已定須更以藥下其痰熱如利驚丸軟金丹桃枝丸之類利下痰熱心神安寧即愈

大黑龍丸治小兒急驚神效方見後急驚治條

小黑龍丸治小兒急驚輕者

青礞石兩一錢 青黛錢一錢 薄荷一錢 膽星兩一錢

右為極細末甘草湯為丸如鷄頭大每一丸薑蜜薄許湯下

右二方礞石膽星瀉濕痰之劑為君痰多者宜之

鎮驚丸

草龍膽 防風 青黛兩各一錢 龍腦研一錢

黃連末五錢 牛黃 麝香各一字

右為細末麴糊為丸如粟米大每服一二十九金銀泡湯下之

無治陽癰即急驚風

硃砂研一

臍粉

麝香各五分

蘆薈

白附子

甘草各二錢

胡黃連各一錢

蝎梢七箇

僵蚕蜜炙十條

金箔十片

赤脚蜈蚣一條

右為末二歲已上服半錢七金錢薄荷湯調下三歲一錢七如口不開灌入鼻中

虛有力者利之

利驚丸

輕粉

天竺黃

青黛各一錢

黑牽牛頭末半兩

右同研蜜丸豌豆大一歲一丸溫薄荷湯下食後服海藏云涼驚溫驚利驚自有分別南星胭脂輕粉青黛色味各有輕重

鎮肝丸治小兒急驚風目直上視抽搐昏亂不省人事是肝經風熱也

天竺黃

研

生地

當歸

竹葉

草龍膽

川芎

大黃

煨

羌活

防風

已上各二錢半

右為細末煉蜜丸如雞頭大每服二丸沙糖水化下先服此後服天麻散

右五方瀉肝木之劑為君前二方輕劑通用後三方峻劑必脈有力血氣實者宜之又闔氏所謂候搖掣定下其痰熱之類是已

五福丸治急驚風生蚯蚓一條研爛入五福化毒丹一丸再研如泥煎薄荷湯少許調化旋灌量兒大小加減服之無不效者

五福化毒丹治驚熱涼心膈

生地

熟地焙各五兩

天門冬

麥門冬焙各六兩

三兩

甜硝

玄參

甘草各二兩炙

青黛一兩半

右上六味為細末後研入硝黛煉蜜丸如鷄頭大每服半丸或一九食後熟水化下

安神丸

方見治法

鎮心丸

方見前表裏條

右三方甘寒瀉火之劑為君小兒血氣虛而急驚者宜之又潔古閣氏所謂候搐止勢減宜安神鎮心之類是已

慢驚

因大病後或吐瀉或只吐不瀉變成脾胃虛損遍

慢驚力小身冷曾吐瀉

身冷口鼻氣出亦冷手足時瘳瘳昏睡露睛此無陽也括

婆湯主之

慢驚者陰證俱賦受病蓋小兒吐瀉病久脾胃虛損若不早治則成慢驚名曰瘈瘲似搐而不甚搐也因脾胃虛損故大便不聚當去脾間風先用宣風散導之後用益黃散史君子九平之則其利自止既已失治則脾胃俱虛致被肝木所乘是爲慢驚當用溫補羌活膏主之

東都王氏子吐瀉諸醫用藥下之至虛變慢驚其候昏睡露睛手足瘈瘲而身冷錢曰此慢驚也與瓜蒌湯其子胃氣實卽開目而身溫王疑其子不大小便令諸醫以藥利之醫留八正散等數服不利而身復冷令錢氏利小便錢曰不當利小便利之必身冷一二日果身冷矣因抱出錢曰不能食而胃中虛若利大小便則脾胃俱虛當身冷而閉目卽死今幸胎氣實而難衰也錢氏用益黃散史君子九四服令微能飲食至日午果能飲食所以然者謂利

大小便脾胃虛寒當補脾不可別攻也後又不語諸醫作失音治之錢曰既失音何開目而能飲食又牙不緊而口不噤也諸醫不能曉以地黃補腎錢曰此因用涼藥利小便致脾腎俱虛今脾已實腎尚虛故補腎必安治之半月而能言一月而痊

瓜蒌湯

瓜蒌

白甘遂末

右同於慢火上炒焦黃研勻每服一字麝香薄許湯調服

右瓜蒌湯錢氏治慢驚法脈有力者宜用蓋濕痰積於膈中使風火不得開發而身冷故用瓜蒌湯劫去濕痰使風火得伸而身溫搐止若脈無力者不宜用之便當補脾及溫白朮羌活等之類

應無方者溫之

青州白九子治小兒驚風大人諸風

半夏生七

南星生三

白附子生二

川烏生半兩去皮

右為末以生絹袋盛井花水攪出如未出者更以手揉出如有滓更研再入絹袋攪盡為度於磁盆中日晒夜露至曉撇去舊水別用井花水攪又晒至來日早再換新水攪如此法春五日夏三日秋七日冬十日去水晒干後如玉片研細以糯米粉煎粥清丸棗豈大每服三五丸薄荷湯下雞風酒下並無時

錢氏異功散溫中和氣治吐瀉不思食

方見吐瀉門

驚啼手足痠癢睡臥不穩四君子加全蝎去尾尖毒炒

釣藤白附子炒等分同煎

方見治虛實法

脾胃虛弱生風多困

四君子加炒半夏麴沒石子等分為細末入冬瓜子少許

同煎服

溫白丸治小兒脾氣虛困泄瀉瘦弱冷痺洞利及因吐瀉或久病成慢驚瘕瘕

天麻生半兩

白殭蚕炒

白附子生

天南星剉湯洗

乾各一兩

乾蝎去毒一錢

右為末湯浸寒食麪為丸如某豈大仍於寒食麪中養七日取出用每服五七丸至三十九丸空心生薑米飲下量病勢漸加丸數服之寒食麪謂寒食日煮喫麪取之以焙乾貯用也釣藤飲子治吐利脾胃氣弱虛風慢驚

釣藤三分

蟬殼

防風去蘆

人參去蘆

麻黃去節

白殭蚕炒

天麻

蝎尾炒去毒各半兩

甘草炙

川芎各一分

麝香一錢另研

一方有蜚螳

三箇去頭足炙黃

右為末每服二錢水一盞薑三片煎六分溫服量多少

與之安多者加附子半錢服無時

羌活膏治脾胃虛或吐瀉後為慢驚者亦治傷寒無不效

防風

去蘆

川芎

人參

去蘆

白附子

炮

赤茯苓

去皮

天麻

兩

白僵蚕

湯浸炒黃

乾蝎

炒去毒

白花蛇

酒浸焙各一分

川附

炮去皮

麻黃

去節各二錢

肉苁蓉

沉香

母丁香

藿香葉

木香

各二錢

輕粉

真珠末

牛黃

各一錢半

龍腦

半字

麝香

辰砂

雄黃

各一錢已上七味各另研入

羌活

附

右為細末煉蜜作劑旋丸如葶大每服一二丸食前服

或薄荷湯或麥門冬湯化下胃熱急驚勿服性溫故也

返

竟丹治小兒諸癰潮發癰瘰口眼相引項背強直

牙關緊急目直上視及諸病久虛變生虛風多睡者因荏

再不解速宜服之荏苒柔

烏犀二兩 剉屑 水銀半兩

天麻酒洗 焙乾 檳榔各半

殭蚕去熱 微炒 硫黃半兩 併末入水銀置磁石上

白附子炮 川烏炒通赤 留烟少許入碗內以

獨活去蘆 乾蝎炙 草解炒各一兩 肉桂去麋

當歸酒浸 焙乾 細辛根 防風去蘆 天南星薑汁

黃沙去皮 阿膠炒 碎 藿香土洗去 烏蛇酒浸 炙熟

骨 沉香 槐膠 羌活

白花蛇酒浸一宿 炙熟去皮骨 麻黃去根 半夏薑汁浸 三宿炒

羚羊角銹 陳皮去白 炒已 天竺黃研

木香 人參去蘆 乾薑炮 茯苓去皮

蔓荊子去白皮 晚蚕炒微 敗龜板酒洗 炙黃 去土

桑螵蛸炒 白芷 何烏米泔浸一宿 炙

虎骨酒醋塗炙砂仁

津浸一宿切焙枳殼炒去白

丁香

厚朴去皮薑炙

蠟殼炒

川芎

附子水浸泡石斛根去尖

肉苁蓉去殼炒

龍腦研

雄黃研水飛

硃砂研水飛已

膩粉研

麝香研各

烏雞去毛

狐肝三具已

蜡月內入瓦瓶固濟火煨赤候冷取出研用

金箔二十片

右藥五十八味炮製如法煉密合和搗三五千下丸如

桐子大金箔為衣每一歲兒溫薄荷自然汁化下無時

右閻氏宗錢氏治慢驚法脈無力者宜之其法以青州

白丸子兼異功散羌活膏溫白丸釣藤飲子之類服之

至有往往死中得生者今如其法又增入海藏四君子

法次於異功散之後返魂丹次於羌活丸膏之後相叅

用之也

湯凡吐瀉成虛風慢脾先用奪命散青州白丸子末煎如

稀糊入蜜調控下延後服祛風醒脾等藥

奪命散方見後通治急慢驚下

治虛風八仙散風盛者服之

白天麻 白附子 花蛇肉 防風

南星 半夏 冬瓜子 全蝎各等分

加川烏

右吹咀每服一錢水半盞薑二片葱半枚煎二分熱服

加薄荷尤佳

醒脾散昏困者服之

白朮 人參 甘草 橘紅

茯苓 全蝎各半 半夏 木香各一分

白附子炮四箇 南星炮兩枚 陳倉米二百粒一方無白朮半夏加護肉一

錢亦

右爲末每服一錢水半盞薑三片葱半箇煎二分漸漸服之不可頓服頓服必吐

釀乳方

人參

木香

藿香

沉香

橘皮

神麴

麥芽

各等

丁香

半

右咬咀每服四錢水一椀薑十片紫蘇十葉葱三枚煎至半椀乳母食後須去乳汁盡方取服之卽仰臥霎時令藥入乳之絡次令兒吮數口不可過飽此良法也如嘔定一日急宜截風服八仙散兩日後宜醒脾散如前件藥俱用不效危困可憂須診太衝脈未絕者當灸百會一穴前後髮際兩耳尖折中乃是穴也方書所載但云頂上旋毛中殊不審有雙頂者又有旋毛不正者庸

醫之輩習循舊本悞人多矣灸後卽當控涎用青州白
丸子末再煎如稀糊入煉蜜調奪命散良久涎下細研
靈砂米飲調旋抹口中漸看退證如風盛服八仙散昏
困服醒脾散常令減乳乳母服釀乳藥如此調理無不
愈者間有稟受不堅五行數短者雖神聖功巧不能奪
其造化矣 若涎已離隔但在喉中如鋸藥不能入又
不可控當用別法擦之兼搐鼻噴嚏得出次服奪命散
庶免再作

擦痰方

川烏尖

白附尖

各七箇去
皮生用

蝎梢

七枚

石綠

少

右爲末一處和勻用軟雞翎蘸藥入喉中逐漸抽出頻
用帕子拭之

右湯氏治慢驚法先用奪命散白丸子控涎候涎下一回用八仙醒脾等一回令乳母用釀乳法如危極者却灸百會及擦痰法但奪命用礞石氣虛者難用必與東垣益黃散相兼服之可也

陳氏法

陳氏治慢驚風先服芩蝎散用手法幹出寒痰冷涎自不痴呆次服油珠膏後服益真湯溫壯元氣時服前朴散寬上實下

芩蝎散治小兒腦髓受風顛顛開解皮肉筋脈急脹腦骨縫青筋起面少血色或腹中氣響時便青白色沫或嘔吐痰涎欲成慢驚搐足脛冷者

川芎

細辛

葶藶

半夏

煅二錢

蝎梢

右細末一週兒抄一銅錢用數沸湯調稍熱飢服如

痰滿胸喉中眼珠斜視速與服若目上直視不轉睛者
難救或痰氣壅塞不能嚥藥用一指於兒喉嚨膠中探
入就幹去痰涎氣稍得通次用補脾益胃湯或以油珠
膏選用此方累世活人多矣

油珠膏治氣逆嘔吐風痰作搐

石亭脂

煉黃中揀取
如麻者五錢

滑石

半兩

黑附子

炮去
皮臍

半夏

酒浸一宿湯
洗七次焙乾

南星

醋浸一宿湯洗七
次焙乾各一錢

右細末每服一錢用冷清薑汁半盞滴麻油一點如錢
抄藥在油珠上須臾墜下却去薑汁與兒服之更用清
薑汁三五口嚥下肚飢服服訖後一時方與乳食

補脾益胃湯治胎弱吐乳便清而成陰瘤氣逆涎潮眼珠
直視四肢抽掣或因變蒸客忤及受驚誤服涼藥所作

木香

當歸

人參

黃芪

丁香

訶子

陳皮

厚朴薑製

甘草炙

肉蔻麩裹

草薢

茯苓

白朮

桂枝

半夏湯泡

附子炮各半兩

全蝎

炒每服加一枚

右咬咀每服三錢水一盞半薑一片棗一枚煎六分稍熱飢服服訖令揉心腹以助藥力候一時方與乳食渴者加茯苓人參甘草去附子丁香肉蔻 瀉者加丁香訶子肉 嘔吐加丁香半夏陳皮 腹痛者加厚朴良薑 咳嗽加前胡五味子去附子官桂草薢肉蔻 足冷加附子丁香厚朴 惡風自汗加黃芪官桂 痰喘加前胡枳實赤茯苓去附子丁香肉蔻草薢 氣逆不下加前胡枳殼檳榔去當歸附子肉蔻 腹脹加厚朴丁香前胡枳殼

前朴散治心腹結氣或嘔噦吐瀉腹脹痛驚悸

前胡

白朮

人參

陳皮

良薑

藿香

甘草

厚朴

各等分

右剉每服三錢水一盞煎七分稍熱空心服

小兒誤服涼藥或用吊藥水繳口因此傷動脾胃或泄瀉或腹脹或腹中響 小兒面少血色常無喜笑不看上而視下 小兒顙顙高急頭縫青筋時便青糞 小兒肥壯糞如清涕或如凍汁 小兒時時扎眼糞便青白沫有時乾硬 已上五症忽然嘔吐者必成陰癰俗謂慢驚是也 小兒頭雖熱眼珠青白而足冷或腹脹而足冷或瀉而足冷或嘔而足冷或渴而足冷 頭熱目赤痰壅鼻喉咽皆無根之火逆也 已上五症忽然吐而作搐者名曰慢脾風速與補脾益真湯一服三錢重加蝎一枚如因驚而搐者前朴散一服三錢重

加附子前胡各半錢同煎

右陳文忠治慢驚法其治之次第自成一家故另錄之以備採用其醫案所言芩蝎散油珠膏累累取效

雜法

世治慢驚神效用一粒丁香一箇蝎一字辰砂一點血已上俱為末男用男左手中指血女用女右手中指血蘸末擦唇上愈

本醒脾丸治小兒慢脾風因吐痢後虛困昏睡欲生風癇

厚朴

白朮

硫黃

入豆腐中
煮三五沸

天麻

全蝎

防風

官桂

人參

各一錢

右為細末酒浸蒸餅和丸如鷄頭大每一丸搥碎溫米

飲下

蝎稍丸治小兒胎虛氣弱吐痢生風昏困嗜臥或潮搐

全蝎微炒

白附煨裂各半高

硫黃

半夏洗去各

兩一

右為末薑汁糊丸如麻子大每服三十九粒茶湯下量
兒大小加減服之

世小兒慢驚風身冷瘳癎

天麻

防風

川烏

全蝎去翅足

炮

南星

等分水煎服

湯氏治慢驚

真川烏

一枚去皮生用

全蝎等分

右二件咬咀分二服水二盞薑十片煎半盞旋旋滴入
口中

無陰癎即慢驚風

黑附子

生去皮

南星

半夏各二錢

白附子

一錢

右研細井水浸七日每日換水浸訖控乾入硃砂二錢麝香一錢研勻每服一字薄荷湯調下量兒加減一方用黑附子生去皮脂爲末每服二錢以水一盞半生薑二片煎至半盞分二服量兒加減吐者入丁香五箇同煎空心服或水浸炊餅爲丸如粟米大每服二十九生薑湯下亦可

錢回生散治小兒吐瀉或誤服冷藥脾虛生風成慢驚大南星重八九錢已上者用地坑子一箇深三寸許用炭火五斤燒紅入好酒半盞在內然後入南星却用炭火三兩條蓋在地坑上候南星微裂取出剉碎再炒勻熟不可稍生放冷爲末每服半錢濃煎生薑防風湯調下又方梓朴散

厚朴

半夏

湯洗七次薑汁浸半日曬乾一錢

右米泔三升同浸一百刻水盡為度如百刻水未盡少
加火熬乾去厚朴只將半夏為末每服五分或一字薄
苛湯調下無時

豈卷散治小兒慢驚多因藥性太溫及熱藥治之有驚未
退而別生熱症者有因病愈而致熱症者有反為急驚者
甚多當問病幾日因何得之曾以何藥療之可用解毒藥
無不效宜此方

大豆黃卷

水浸黑豆生
乾是也晒乾

管仲

板藍根

甘草

炙各
兩

右為末每服半錢水煎服甚者三錢藥水內入油數點
煎又治吐虫服不拘時

右諸家雜治慢驚其首一方用人血蘸藥末擦唇者甚
效後一方解藥太過之毒尤見錢氏憂人之切也

驚兒瀉青色先鎮平以硃砂之類勿用寒涼之藥大禁
涼驚丸蓋風木旺必克脾土當先實其土後瀉其木其風
木旺症右關脈洪大堂中熱腹皮熱者是也今立一方黃
芪益黃散主之人參甘草黃芪各等分此三味皆溫能補
脾土益元氣甘能瀉火內經云熱淫於內以甘瀉之以酸
收之白芍藥酸寒能瀉火酸能瀉肝木而大補肺金所
補得金土之位大旺則火虛矣風木何由而來尅土然後
瀉風木之旺脾虛者以火邪乘其土位故也故曰從後來
者爲虛邪火旺能實其木木旺故來尅土當於心經中以
甘溫補土之源更於脾土中瀉火以甘寒補金以酸涼故
致脾土中金旺火衰則風木自虛矣
黃芪益黃散治胃中風熱

黃芪

錢二

人參

錢一

甘草

生五分

白芍藥

七分

陳皮

不去白一錢

黃連炒

白茯苓

四分

右為麤末每服水二盞煎五沸去渣溫服

丹治小兒驚而有熱者

人參

茯苓

白芍藥酒炒

白朮

右入生薑煎服暑月加黃連生甘草竹葉煎服

陳明遠治小兒驚因脾虛肝乘之手足搐動四肢惡寒而食少

白朮

錢二

茯苓

錢一

右煎湯入竹瀝熱下龍薈丸二十九保和丸二十九

湯奪命散大能捺風涎不問急慢驚風痰潮壅盛塞於咽

喉其鄉如潮名曰潮涎百藥不能過咽命在須臾但先用

此藥入喉痰即墜下功有萬全奪天地之造化也

青礞石

一兩八錢入此窩子同煅焙一兩炭火煨通紅須消盡為度候冷如金色取用

右爲細末急驚風痰壅上身熱如火用生薄荷自然汁入蜜調微溫服之良久其藥自裏痰墜下從大便秘出如稠涕膠粘乃藥之功也次服退熱祛風截驚等藥慢驚風亦以痰涎潮上塞住咽喉藥食俱不能入醫者技窮勢迫以待其盡但用此藥以青州白丸再研爲末煎如稀糊熟蜜調下其涎卽墜入腹次服花蛇川烏全蝎蜈蚣等藥

丹 大黑龍丸治小兒急慢驚風神效

膽星

礞石礞石一兩

天竺黃

青黛各半

蘆薈

二錢

辰砂

蜈蚣燒灰一錢

僵蚕五分

右爲末甘草汁爲丸如雞頭大每服一九或二九薑蜜薄許湯下如慢驚用桔梗白朮湯下

續驚丸

琥珀二錢半

青黛半斤

辰砂二錢半

天竺黃二兩

天麻一兩

真珠母二錢半

蘆薈

柴胡各半兩

青皮

甘草各二錢半

膽星二兩

雄黃一錢半

乳香一兩

青礞石半兩

右為末甘草膏九如鷄頭大慢驚參朮湯下急驚薄荷

葛蜜湯下

小兒急慢驚風

全蝎四十九箇微炒黃

辰砂半兩研極細和勻

右取蚯蚓十條洗淨入小瓶內以溫火煨蚯蚓化為水

和九如胡椒大每三丸用順流水化服下

小兒急慢驚風

殭蚕三條

辰砂豆大一粒

全蝎一箇

真珠末一撮

右末取蓬蒿中小虫兒勿一箇研作一九如麻子大每

一粒用乳汁下

本保命丹治小兒急慢驚風四肢逆冷眼直口噤涎不止

虎睛一對安瓦上以瓦蓋之慢火燻乾硃砂半兩全蝎半兩

天麻分一蜈蚣二條去頭尾赤脚者麝香錢半

右為細末煉蜜九如大葦大瓦罐貯之又入腦麝蜜定

急驚薄荷蜜湯化下慢驚薄荷湯化下各三九

溫驚丸一名粉紅丸

南星為末入膽月牛膽中陰乾白口為末四兩硃砂一錢半天竺黃一兩

壘子胭脂半錢龍腦五分另煎

右用牛膽汁和丸如雞頭大每服一九小者半九沙糖

水下

抱龍丸治傷風瘟疫身熱昏睡氣促風熱痰實壅嗽驚風潮搐及蠱毒中暑沐浴後並可服壯實小兒宜時與服之

痲瘋濕瀉者燥之

丹溪云抱龍丸
心肝藥也

南星

如熟牛膽者只將生者剉炒熟用四兩

天竺黃一兩

雄黃飛

辰砂

另砂各半兩麝香一錢另研

右為細末煮甘草膏和丸皂莢子大溫水化下百日小兒每丸分作三四服五歲兒一二丸大人三五丸亦治室女白帶伏暑用鹽少許嚼一二丸新汲水送下臘月雪水煮甘草和藥尤佳一法用漿水或新水浸南星三日候透煮軟三五沸取出乘軟切去皮只取白軟者薄切焙乾炒黃色取末八兩以甘草二兩半拍破用水二碗浸一宿慢火煮至半碗去渣漸漸傾入南星末內慢研令甘草水盡方入餘藥

世奪命散治急慢驚風諸藥不效此藥隨手奏功

白附子錢

黑附子

炮去皮臍半兩急驚不用

南星

炮一兩

天麻錢三

辰砂另研二錢半

防風

半夏各半兩

全蝎去毒七箇

蜈蚣炙一條

麝香半錢

僵蚕炒慢驚不用

右為末三歲兒半錢薄許生薑自然汁加好酒沸湯各少許調服急驚加輕粉腦子各少許

湯治慢驚甚驗

赤脚蜈蚣酒塗炙一條

白僵蚕炒七條辰砂另研一字

全蝎用薄荷葉包炙七枚

青州白丸子三十粒

右為末入麝香少許慢驚人參麥門冬湯調下急驚加腦子牛黃各少許金銀薄許湯調下

羅天麻散治小兒急慢驚風及大人中風涎盛半身不遂言語艱澁不省人事

半夏七錢

天麻二錢半

甘草炙

茯苓

白朮各三錢

右用水一盞入磁罐內煮令水乾將老薑三錢同煮候乾為細末每服一錢五分薑棗湯調下

經治驚風墜涎天南星一箇重一兩者換酒浸七伏時取出新瓦上炭火炙乾烈地上去火毒搗末入硃砂一分研為細末每服五分荊芥湯空心及午時各調下一服

日天麻防風丸治小兒驚風身熱喘滿多睡驚悸搖掣神昏涎痰不利等症

天麻

防風

人參各一兩

蝎尾去毒半兩

甘草

硃砂

雄黃

牛黃

麝香

各一錢

僵蚕

炒半兩

右為末煉蜜丸如櫻桃大硃砂為衣每服薄奇湯下一二丸

七味羌活膏治急慢驚風壯熱

羌活

獨活

天麻

全蝎去毒

人參

殭蚕炒各

烏蛇肉

酒浸一宿
焙乾一兩

右為末煉蜜丸如皂子大每兩作五十九丸每服一九荆芥湯下

經治小兒驚風全蝎一錢不去頭尾用薄苧葉裹炙乾同研為末作四服湯下

治小兒驚風殭蚕蝎稍等分天雄尖附子尖共一錢炮過為末每服一字薑湯調下

難與藥
者釀乳
小兒驚風釀乳方用白羊頭一箇丁香同熬至熟乳母空心盡食之

孫女因胎中受濕熱日午發搐昏黑面青每日作一次未半週難與藥且釀乳飲之

白朮

陳皮

半夏

皮藥

青皮各五分

人參

川芎

木通各三錢

黃連二錢

甘草炙一錢

右分八服薑五片與乳母煎服

瘦積者

小兒急慢驚風發熱口瘡手足伏熱痰熱喘痰嗽並用
涌法重劑用瓜蒂散輕劑苦參赤小豈末酒酸壘汁調服
之後用通神散蜜丸服之間以桑牛陰乾研末調服以平
其氣

本編銀丸治小兒急慢驚風積疳

青黛三錢

水銀一皂角子大同

寒食麪

黃明膠炒焦為末

輕粉炒豆

雄黃

粉霜

硃砂各一兩

巴豆去油一粒 腦麝少

右研細滴水為丸如麻子大捏扁曝乾蓬金盛之一歲
一丸隨意加減煎寒子湯送下不得化破

治急慢驚風乳香甘遂各半兩同研細每服半錢用乳香湯調下或用童便調下尤妙

石二十方通治急慢驚風蓋謂虛實兩見急慢互出故有通治之法合而言之急慢雖異皆本之於痰故礞石星半之屬通能治之者也分而言之礞石之屬瀉痰青黛之屬瀉木硃砂之屬瀉火皆治氣實之劑參草之屬補土天麻全蝎之屬補木烏附之屬補火又皆治氣虛之劑故補瀉兼施虛實通治之法也

方

小兒驚風猢猻蜚燒存性碗覆出火毒生蜜調灌少許
心神不安四君子加辰砂半分蜜湯調下 又有一症欲發瘡疹先身熱驚跳或發搐搦此非驚風當用發散藥
驚風或泄瀉等症煩渴者皆津液內耗也不問陰陽宜煎錢氏白朮散使滿意取足飲之彌多彌好

急驚

急慢驚

印堂

急驚風

急驚

支正

下廉

小兒

慢驚

風灸

尺澤

二穴

各七壯

文內正中位

睡中驚掣

屬允

一壯

睡中驚

目不合

灸

屈肘橫紋上三壯

珍

咬呀甚者發驚

目赤面青身反折者生驚

呵欠面青者驚風

呵欠面黃者脾虛驚

目赤兼青者發搐

驚癇發搐男發搐目左視無聲右視有聲女發搐目右

視無聲左視有聲相勝故也更有發時症

古曰男為木

聲右視金位相擊則有聲女為金故有

李寺丞子三歲發搐自卯至巳目右視大叫哭錢見曰此

逆也男為陽本發左視無聲則順右視有聲則逆所以然

者左肝木也右肺金也逆則二臟相戰金木相擊而有聲

也治宜瀉強補弱假令女發搐目左視是肺來乘肝肝不能任故叫哭也當瀉其肺後治其心續治其肝若病在秋日西肺兼旺位當大瀉其肺若病在春時早晨此肝旺之時尚不能勝肺是肺強而肝火弱也當補其肝腎大瀉其肺若男發搐目右視是肝來勝肺而叫哭當瀉其肝心若病在春夏早晨肝心旺時當大瀉其肝若病在秋冬時同此肺旺之時尚不能勝肝是肝強而肺極虛也當補其肺大瀉其肝所以言目反視者乃肝主目也凡搐則是風熱相搏於內風屬肝故外見於目也今此病男反女症故稍易治於女也先瀉其肺以瀉肺湯主之二日不悶亂知病退也後用地黃丸補腎三服後用瀉青丸各二服以瀉心肝五日而愈 又肺虛不瀉者何也曰假令男目右視木克金肝旺勝肺而但瀉肝若更病在春夏金氣極虛故當

補其肺慎勿瀉也

陽凡搖男左女右為順易治男右女左為逆難治

心脈急甚為癎癎經云文見診治法○脾脈急甚為癎癎

不治症

風驚風不治證 搐而不休休而再搐 驚叫發搐 汗

出足冷 痰滿胸喉 口開目直

禁忌

治小兒急驚方搐不用驚擾此不足畏慢驚雖靜乃危

病也急驚方搐時但扶持之不可擒捉蓋風氣方盛恐流

入筋脈或至手足成拘攣也

驚癇

驚癇即急慢之症但驚癇發時仆地作聲醒時吐沫急慢

驚則不作聲不吐沫也

陰陽

陽癇初作時病先身熱癎癎驚啼叫嗽而後發脈浮者為

陽癇乃急驚也內在六腑外在皮膚為易治若病先身冷

不驚瘈不啼呼而作脈沉者為陰癰乃慢驚也此病內在
五臟外在骨髓劇者難治

上五臟所

凡治五癰皆隨臟治之每臟各屬一獸宜以五色丸主

之犬癰反折上竄犬呌肝也羊癰自瞪吐舌羊呌心

也牛癰目直視腹滿牛呌脾也雞癰驚跳反折手縱

雞呌肺也猪癰如尸吐沫猪呌腎也

五色丸

硃砂研半兩

水銀一兩

雄黃一兩

鉛三兩同

真珠末研一兩

右煉蜜丸如麻子大每服三四丸金銀薄苛湯下

如有客痰發熱而有聲煎大黃荊芥湯下五色丸潮

熱有時積熱也桃枝丸主之壯熱不退當用地骨皮散下

五色丸風熱當用防風黃芩湯下大青膏身溫不熱

常用白虎湯加蒼朮下五色丸

木雌黃丸治小兒癩癧欲發眼暗瘰癧聲惡嚔舌

雌黃

黃丹略一

麝香研一錢

右爲末拌令極勻用牛乳汁半升熬成膏入前藥末杵三五百下丸如菉葢大每服三丸溫熱水下一日三服此方得自名醫之家極有神效

蛇黃丸治驚癇

真蛇黃

三箇

鬱金

三分一麝香另研

右爲末粳米飯丸如桐子大每服三二丸煎金銀磨刀水化服

古鏡味辛無毒主驚癇邪氣小兒諸惡疾煮取汁和諸藥煮服之彌古者尤佳

治癇方治太陽陽明二經爲病

荆芥穗四

白礬

爲細末
二兩

右東肉爲丸如桐子大每服二十丸荆芥湯下次三十丸四十九又次五十九俱食前

身冷不
驚啼脈
沉爲陰

羅

沉香天麻湯○魏敬甫之子四歲從長老摩頂授記衆

僧念呪因而大恐遂發驚搐痰涎壅塞目多白睛項背強

急喉中有聲一時許方醒後每見皂衣人輒發多服硃犀

龍麝鎮墜之藥四十餘日前症猶在又添行步動作神思

如痴予診其脈沉弦而急黃帝針經云心脈滿大癰瘕筋

攣又云肝脈小急癰瘕筋攣蓋小兒血氣未定神氣尚弱

因而驚恐神無所依又動於肝肝主筋故癰瘕筋攣病久

氣弱小兒易爲虛實多服鎮墜寒涼之劑復損其氣故添

動作如痴內經云暴癰瘕足不任身取天柱穴是也天

柱穴乃足太陽之脈所發陽蹻附而行也又云癰瘕瘕

瘕

不知所苦兩躄主之男陽女陰潔古云晝發治陽躄申脈
夜發治陰躄照海先各灸兩躄各二十七壯次處

沉香

錢二

天麻

錢三

羌活

錢五

防風

錢三

益智

錢二

川烏

錢二

甘草

錢二

當歸

錢一

半夏

湯泡

獨活

錢四

附子

炮去皮

薑屑

錢一

右咬咀每服五錢生薑三片水煎溫服舉痛論云恐則
氣下精怯而上焦閉又云從下上者引而去之以羌活
獨活苦溫味之薄者陰中之陽引氣上行又入太陽之
經為引用故以為君天麻防風辛溫以散之當歸甘草
辛甘溫以補氣血之不足又養胃氣故以為臣黑附子
川烏頭益智仁大辛溫行陽退陰又治寒客傷胃腎主
五液入脾為涎以生薑半夏燥濕化痰十劑云重可去
怯沉香辛溫體重氣清去怯安神故以為使氣味相合

升陽補胃恐怯之氣自得平矣

陽牛黃丸治因驚中風五癰天吊客忤潮涎壅腫

白花蛇酒浸取肉白附子

全蝎

真川烏半兩

生者

天麻

薄荷葉各半兩

已上六味先為細末次入

雄黃五兩

辰砂三錢

腦子另研半兩

牛黃三錢

麝香一錢

右為一處和勻麻黃去根二兩酒一升煎麻黃至一盞去麻黃用酒熬藥得所勿至焦赤衆手疾丸如芡實大密器盛之一丸作五服煎金銀薄荷湯磨化大能發散驚邪

治五癰得效方

露蜂房焙一兩

石綠一兩

桂心

遠志去心

人參各半

硃砂一錢

右為末粥丸如桐子大每服二三十九白湯下

濕痰

四治小兒驚癇

膽星二兩

全蝎去翅足白附子一兩

薄荷半兩

礞石炒一兩

川芎一兩

右為末粥丸青黛為衣每服一二九薑湯下

治小兒癇用甘遂末一錢猪心一箇取三管頭血三條和
甘遂末將猪心批作兩片入藥在內以線縛定外濕布包
裹入文武火煨熟不可過度取藥細研入辰砂末一錢和
勻分作四九每服一九猪心湯化下再服另取猪心煎湯
此方神效

虛

陽斷癇丹治癇瘥後復作連綿不除服之有驗

黃芪蜜水

釣藤

細辛

甘草炙

蛇蛻皮各半 蟬蛻去土 牛黃另研

治遠年驚癇心血不足神驗方蝎虎一枚褐色者用剪子
取下四足爪連血細研入生珠末麝香腦子各少許同研
細薄苧湯調下作一服須先用奪命散控下涎次服之能
奪造化雖數年癇亦能治之此藥所以神效者蓋癇皆
心血不足此物各守官其血與心血類也取下如室女之
紅鉛服之於心故能補也此乃怪重去其足而復能行又
再生而活也蝎虎即蝦蟇奪命
散方見
驚癇門

小兒多患胎寒好啼晝夜不止因此成癇當歸末小荳
大乳汁灌之日夜三四服

雜方

治小兒卒得癇用釣藤甘草炙各二分水五合煮取二
合服如小兒大日夜三大服

廣濟及崔氏方治小兒驚癇諸湯飲皆用釣藤皮又野豬

黃味辛甘平療癰瘤水研如黍核日三服效衍義云野豬黃膽世不常有間得之能治小兒癰瘤

醫案 李氏一小兒病手足搐搦戴人曰心火勝也勿持捉其手當從搐搦此由乳母保抱太極所致乃令掃淨地以水洒之乾令復洒令極濕俛臥兒于地上良久渾身轉側泥漿皆滿仍以井水洗之少頃而瘥

治 小兒胃寒重上諸危惡與癰相似者乾漆搗炒烟盡入白蕪荑等分爲細末米飲調下一字至一錢瘥

針灸

灸 小兒癰癰瘰癧脊強互相引項灸長強穴三十壯在脊骶端跌地取之乃得 小兒驚癰瘰癧脊急強目轉運上插筋縮主之

小兒癰癰驚風 目眩灸神庭穴七壯在鼻直上入髮際五分 小兒風癰灸鼻柱上髮際宛宛中三壯炷如小麥

大

小兒驚癇先驚怖啼叫後乃發也灸頂上旋毛中三壯及

耳後青絲脈炷如小麥大腋手足少陽瘰癧穴也青絲

明驚癇灸巨闕三壯

明小兒驚癇本神及前頂顙會天柱主之 小兒驚癇反

視臨泣主之 小兒癇瘲嘔吐泄注驚恐失精瞻視不明

眇眇瘰脈主之 羊癇會宗下空主之錢氏云羊癇目

瘰癧發目上插攢竹主之 馬癇金門及僕參主之 風從

頭至足癇瘰口閉不能開每大便腹暴滿按之不下噎悲

喘崑崙主之 小兒癇瘰遺精溺虛則病癇頽實則閉瘡

小腹中熱善寐大敦穴主之 癇驚如有見者列缺穴主

之并取陽明絡

錢五癇重者死病後甚者亦死

診

天弔

風熱

天弔亦驚風之證但天弔發時頭目仰視驚風則無也

小兒瘈瘲不定翻眼擡睛狀若神祟頭目仰視名爲天弔凡有此疾宜服蘇合香丸灸兩手大拇指兩甲肉相半男先灸左女先灸右及兩足大拇指中間各三五壯又灸前後手心各五壯此皆得效之法

九龍控涎散治天弔

赤脚蜈蚣酒塗灸一條

滴乳

天竺黃二味另研

各一錢 鵝茶

雄黃另研

甘草炙各二錢

荊芥炒

白礬枯各一錢

萊豆半生半炒一百粒

右爲末每服半錢人參薄苣湯調下

釣藤飲治天弔潮熱

釣藤

人參

犀角屑

各半兩

全蝎

天麻各一分

甘草半

右爲末每服一錢水煎服

口 癰迷嚼舌仰視牛黃大豆許和蜜水調廣利

眼目

針灸

明 目流羞明狀如青盲 中渚一壯凡小兒艾壯皆如小參大 兒三五

歲忽生白翳遮睛掩睛人疼痛不可忍 九椎上灸一壯

妳癰目不明者 肩中膈灸一壯

診

錢 目赤兼青者發搐 目直而射身反折強直者生驚

眼白多

虛

四 治眼白多多屬虛

鹿茸半

澤瀉

茯苓各一分

山茱萸二

地黃

牡丹皮

牛膝各一分

右爲末蜜丸如桐子大鹽湯食後下二十九

雀目疳眼

小兒疳眼翳膜羞明不見物服十日必退如
大人雀目者一服效

夜明沙

青蛤粉

穀精草

各一兩

右件為細末每服一錢五七歲已上二錢純猪肝一大
片批開糝藥在內攤勻麻線纏定以米泔半碗煮肝熟
取出肝湯傾碗內熏眼分肝作三服嚼訖却用肝湯下
一日三服不拘時候大人雀目空心服至夜便見物如
患多時日二服

熱
龍膽飲子治疳眼流膿生疳翳濕熱為病神效不治寒濕
為病者

青蛤粉

半兩

羌活

草龍膽

各三錢

黃芩炒二錢

蛇蛻皮

半兩

麻黃

二錢

穀精草

半兩

升麻二錢

鬱金

甘草

灸各半錢

右爲細末每服二錢食後茶清調下

針灸

灸雀目疳眼法○小兒雀目夜不見物灸手大指甲後一寸內廉橫紋頭白肉際各一壯炷如小麥大 小兒疳眼灸合谷二穴各一壯炷如小麥大在手大指次指兩骨間陷中

赤眼

熱

陽導赤散治心熱小便赤眼目赤腫

赤芍藥

羌活

防風

各半兩

大黃

甘草

各一錢

右爲末燈心黑豆煎食後服

余平生無赤眼之患用之如神小人小兒可通用凡眼赤澁之初只用自已小便張目溺出用一指接抹眼中便畢

閉目少頃即效此以真氣逼去邪熱也

本治小兒赤熱腫眼

大黃

白礬

右二味等分爲末同冷水調作卷子貼眼立效

針灸

明眼忽大小皆赤合谷灸三壯 熱毒風盛眼疼灸中指

本節頭三壯

通睛

肝病

湯牛黃九小兒通睛皆因失悞築打觸着頭面額角兼倒

撲令兒肝受驚風遂使兩目閉睛名曰通睛宜服此

牛黃

白附子炮

肉桂

全蝎

芫蕪

石膏煨各一錢

白芷二錢

藿香半兩

硃砂二錢

麝香一分

右爲末煉蜜爲丸如芡實大三歲已下每服一九薄苛

湯下乳食後忌油麪猪肉

偏墜

雜方

固小兒狐疝氣偏有大小時時上下者蜘蛛十四枚熬焦

桂枝半兩二物爲散每服八分日再酒調下蜜丸亦通

針灸

偏墜亦宜防葵丸令兒坐於土中午時灸印下偏墜之處

七壯

防葵丸未詳

小兒偏墜若非胎中所有在後生者於莖下腎囊前中間弦子上灸七壯立愈

固胎產疝卵偏墜

囊縫後十字紋

灸三壯春灸夏一壯夏灸冬三壯

陰腫囊腫脫囊

滯氣

固小兒陰腫由啼叫怒氣閉縱於下成此疾宜海蛤散

海蛤三錢

茴香炒三

薤苡仁

白朮

檳榔各半兩

右末食前溫酒調下大小加減

汚血陰腫又方

桃仁去皮尖及雙仁者炒三分

牡丹皮 桂枝

白茯苓炒去刺各半兩

郁李仁湯浸去皮一分

右水煎服

熱

四脫囊即外腎腫大

木通 甘草

當歸 黃連

黃芩

右水煎服

雜方

國蚯蚓散治腎子腫硬成疝用乾蚯蚓為末唾調傳常避

風冷濕地先用花椒蔥湯洗風處

世治小兒囊腫如升用甘草煎汁調地龍末塗之立退累

效

針灸

用紫蘇葉為末水調傳上又用青荷葉包之治脫囊效

疝痛

濕氣

湯治小腸疝氣家傳妙方

芫花醋浸炒

木香

檳榔

三稜各半

茯苓

青皮

全蝎

桂枝

附子

礪砂各一分

右為末將礪砂浸澄去土頓在湯瓶上候成膏子和糖醋打麪糊為丸如豈大每三十九丸空心溫酒下未效再服

小便不通

汚血

散治小便不通

玄胡

川苦練各等分

熱

右同為細末每服半錢或一錢捻頭湯調下量多少與之捻頭湯即湯中滴油數點食前服

木通散治心經伏熱小便不通啼叫

木通

牽牛子

滑石

右為末燈心蔥白煎服

冬葵子散治小兒腹急悶

冬葵子

木通

右為末每服一錢煎服

尿深黃色久則尿血小便不通久脹滿當利小便

淋病

血

治血淋神效方

紫草

連翹

車前子

各等分

水煎服

又方

海螵蛸

生地

白茯苓

右等分為末栝葉車前草煎湯調下

氣

治氣淋

赤芍藥兩一

檳榔一箇

右為末燈心同煮子煎湯調下

虛

湯治小便不禁或睡中遺出不覺

雞腸草兩一

牡蠣粉錢三

龍骨

麥門冬去心

白茯苓

桑螵蛸各半兩

右件咬咀每服一錢童子一枚擘破煎食前服

又方破故帛一味炒為末黃柏煎湯調下

療小兒睡中遺尿不自覺桂末雄雞肝等分搗丸如小

豈大溫水下日三服

彘

小兒夢中遺尿慧以仁一合許去心不去殼敲碎入塩

一小撮同炒黃色用水二鍾煎至半鍾空心服之累效

喉痺

凡治小兒喉痺宜於大人喉痺法參用之

上寶

湯喉痺別無治法非吐不可生此證萬一危極前法無效

急用官局碧霞丹研細用薄荷自然汁入醋調以鷄翎蘸藥送入喉內徐徐導引得吐出痰涎為佳本事方論碧霞丹能害人此不然蓋當時遇有合死之人耳

碧霞丹

石綠

附子尖

烏頭尖

蝎稍

右為末為丸薄荷汁化取涎出

針灸

咽喉中鳴咽乳不利

璇璣

急喉痺

天突

灸一壯不宜